

U G O V O R O PRUŽANJU TURISTIČKIH USLUGA

Zaključen u Sarajevu dana 12.03.2025. godine između:

1. **CENTROTRANS d.d. Sarajevo**, sa sjedištem u Sarajevu u Ul. Kurta Schorka broj 14, upisano u sudski registar kod Općinskog suda u Sarajevu pod brojem 65-01-0339-11 (stari broj 1-1675) od 28.03.2012, identifikacioni broj: 4200153220003, transakcijski račun otvoren kod UniCredit banke Sarajevo broj: 3383202251241969, koga zastupa Predsjednik Uprave Čengiđ Safudin dr. sc. (u daljem tekstu: Davalac usluga), i
2. **Samostalni sindikat državnih službenika i nameštenika u organima državne službe, sudskoj vlasti i javnim ustanovama u Federaciji Bosne i Hercegovine**(u daljem tekstu: Korisnik usluga), sa sjedištem na adresi Obala Kulina bana 1, u Sarajevu kojeg zastupa Samir Kurtović , Predsjednik Sindikata, za članove Sindikata (u daljem tekstu:Korisnik usluga)

Član 1.

Predmet ovog Ugovora je ponuda i prodaja turističkih usluga Davaoca usluga članovima Korisnika usluge.

Turističke usluge bit će realizirane u skladu sa Općim uvjetima propisanim od strane Davaoca usluga, te sa odredbama ovoga Ugovora.

Član 2.

Davalac usluga obavezan je Korisniku usluga dostaviti promotivne materijale sa aktuelnom ponudom (katalozi, leci, promotivni materijali...) i njegovim članovima omogućiti pristup i informacije putem elektronskih kanala komunikacije na kojima je moguće vidjeti aktuelne ponude (web stranica www.centrotours.ba, Facebook, Instagram).

Korisnik usluga se obavezuje da će u svojim radnim prostorijama, na vidnom mjestu, izložiti promotivne materijale i dostupne informacije o aktuelnoj turističkoj ponudi Davaoca usluga kako bi članovi bili blagovremeno informisani.

Član 3.

Članovi Sindikata su dužni prilikom kupovine u maloprodajnim objektima Prodavca odmah(prije realizacije kupovine/prije izdavanja računa) pokazati **člansku karticu uz ličnu kartu**, te na taj način dokazati članstvo u Sindikatu i ostvariti popust i uslove iz člana 4 i 5.

Korisnik usluga se obavezuje da Davaocu usluga, na e-mail sales@centrotours.ba, pisanim putem obavijesti o prestanku članstva kod Korisnika usluga, a koji je na osnovu ovoga Ugovora, ostvario pogodnosti kupovine usluga kod Davaoca usluga.

Član 4.

Na osnovu ovoga Ugovora, Davalac usluga se obavezuje da članovima Korisnika usluge, na neto cijenu, odobri popust i to:

- 5% na grupna organizovana putovanja autobusom i avionom, osim ukoliko drugačije nije navedeno prilikom rezervisanja aranžmana;
- 5% na avio paket aranžmane ljetovanja u Turskoj, Tunisu, Egiptu i Grčkoj, kao i drugim avio destinacijama u aktualnoj ponudi, osim ako drugačije nije navedeno prilikom rezervisanja aranžmana, i u slučaju last minute ponuda kada popust može biti manji;
- 5% na ljetovanja na Jadranskom moru (Slovenija, Hrvatska, BiH, Crna Gora, Albanija);
- 5% na brodske karte Jadrolinije na relaciji Split – Ankona i Dubrovnik – Bari;
- 5% na krstarenja MSC brodovima

Popust ne uključuje slijedeće usluge na koje se primjenjuju aktuelni cjenovnici i to:

- Aerodromske takse, boravišne takse, pz osiguranje, fakultativni (neobavezni izleti);
- Autobuske karte;
- Individualne paket aranžmane (koji se ne ubrajaju u grupne programe ljetovanja).

Članovi Korisnika usluga se obavezuju da prilikom sklapanja Ugovora uplati iznos od 30% od ukupne cijene usluge uz popuste iz prethodnog stava.

Članovi Korisnika usluga će plaćanje vršiti u poslovnici Davaoca usluga, gotovinom, ili putem bankovne transakcije ili e-bankinga na račun Davaoca usluga. U slučaju plaćanja bankovnim karticama, Davalac usluga zadržava pravo obračunavanja naknade za kartično plaćanje.

Član 5.

Davalac se obavezuje da će članovima Sindikata omogućiti prodaju na beskamatni kredit do 5 mjesečnih rata po aktuelnim cijenama (prve ili redovne cijene) sa uplatom avansa od 30%.

Davalac će nakon odabira aranžmana izdati dva primjerka administrativne zabrane.

Administrativna zabrana glasi na Poslodavca kod kojeg je uposlen član Sindikata.

Ovjeru administrativne zabrane vrši Poslodavac kod kojeg je uposlen član Sindikata, u skladu sa zakonskim i podzakonskim aktima koji regulišu tu oblast. Davalac usluga po osnovu dostavljenog primjerka ovjerene administrativne zabrane vrši prodaju aranžmana.

Član 6.

Korisnik usluga ne može koristiti dvije (2) vrste popusta, odnosno popust na popust. U slučaju „last minute“, „ultra last minute“ (ponude u zadnjem trenutku) i sličnih ponuda, Davalac usluga ne odobrava popust, ali može odobriti sve gore navedene oblike povoljnog plaćanja.

Član 7.

Za sve ostale uslove saradnje važe Opći uvjeti putovanja Davaoca usluga, a na pitanja koja nisu regulisana ovim ugovorom i Općim uvjetima putovanja primjenjivat će se odgovarajuće odredbe ZOO i Zakona o turističkoj djelatnosti FBiH.

Član 8.

Ovaj ugovor primjenjuje se od datuma njegovog potpisivanja.

Ugovor se zaključuje na period od godinu dana i može se, u slučaju da niti jedna strana pisano ne zatraži raskid ugovora, po automatizmu produžiti na još jednu (1) godinu.

Ugovor se može raskinuti na zahtjev jedne ugovorne strane (jednostrani raskid) uz pisano obavještenje o raskidu sa otkaznim rokom od 30 dana.

Otkaz Ugovora nastaje od dana prijema pismenog obavještenja o otkazu, s tim da je svaka ugovorna strana u obavezi da izvrši sve preuzete obaveze po ovom ugovoru.

Član 9.

U slučaju spora u primjeni ovog ugovora, ugovorne strane će nastojati da spor riješe sporazumno, a ukoliko ne uspiju u tome ugovaraju nadležnost Općinskog suda u Sarajevu.

Član 10.

Ovaj ugovor je zaključen u četiri (4) istovjetna primjerka od kojih svaka ugovorna strana zadržava po dva (2) primjerka.

CENTROTRANS d.d. Sarajevo
Predsjednik Uprave

dr.sc. Čengić Safudin



KUPAC (za članove sindikata)

Mr. SAMIR KURTOVIĆ

Broj: 1/25
Sarajevo, .03.2025. godine

Broj: 01-315 /25
Sarajevo, 24.3.25 godine

